

COMUNICATO n. 3054 del 26/10/2023

Traduzione in cimbrio

Gian zo lirna in lentar auz vodar Européan Uniong: ågenump di kritèrie zo geba di schütz

Helvan in studjént zo mövrse mearar, zo lirna di zungen un zo khenna di kultùrn vodar gântzan bèlt, ditza 'z zil von bândo ågenump atz 20 von bimmat vodar provintziàl Djunta, vor di studjént von zboate djar von viardjarege licei von Trentino un von draite djar von åndarn obarschualn boda bölln gian vor a zait zo lirna in a lånt auz vodar Européan Uniong, 'z mage soin vor khurtza zait odar vor daz gântz schualdjar 2024/2025 o.

'Z soinda khent untargelekk 700 tausankh euro boda soin genumma op un zua z'zala 80 schual schütz.

Disa hilfe iz gezalt gântz vodar autonome Provìntz vo Tria un darzuar in vorgånnatn djar, haür dar bândo lekk vür o zo macha nemmen toal disarn initzitif di studjént boda soin bohintart o. Ma makse innschraim von 7 von bintmånat sin atz 7 von kristmånat 2023.

Vor bem

'Z mangda nemmen toal di studjént boda:

- gian in ditza schualdjar 2023/2024 in da zboate klasse von trentinar viardjaregen licei odar in da draite klasse von åndarn obarschualn saiz in Trentino saiz auz provìntz o;
- hãm nèt kompìrt mearar baz zbuantzekh djar;
- lem in di Provìntz vo Tria; soin in a famildja boda hatt an ICEF vorz djar 2023 boda auzkhint von "Untzege Vorsch" untar in 0,60.

Dar voucher zuargètt bart khemmen auzgezalt lai azta khint gemacht verte 'z schualdjar 2023/2024 åna formatif schulln.

Bo

Ma mage gian zo studjåra in auzlånt in a schual istitutziong boda hatt soin setz in a lånt auz vodar Européan Uniong. Dar studjånt iz frai zo zornira sèlbart an bettan schual bege zo macha, baispil nemmen toal in vürlegom zo giana ummar vodar schual bodar sa macht, innschraimse atz progrém boda khemmen vürgelekk vo emtar, feroine, adjéntzian boda arbatn in sektor zo macha ummar gian di studjént, süachan alumma beln bege zo macha gianante sèlbart zo zornira di schual bodar bill machan un vennenen alumma herbege.

Vor biavl zait

Di schual mage innhaltn a djar (daz mindarste 240 tang) odar lai vor bintsche zait (daz mindarste 110 tang).

Bia innzogeba di vorsch

Dar bândo mage khemmen abegenump vodar websait www.vivoscuola.it. Dar vorsch mage khemmen

inngètt lai durch telematege protzedùr nützante in SPID (Sistema Pubblico di Identità Digitale), CIE (Carta d'Identità Elettronica) odor CPS (Carta provinciale per i Servizi), àhevante vo di noüne mòrgas von erta 7 von bintmånat un sin daz umma in tages von fintzta atz 7 von kristmånat 2023.

Übersetzt von Schaltarle vor di zung von Toalkamou vodar Zimbar Hoachebene

(cdt)